

# 日本外史


十六



和書門類			
二	一	八	二
二	三	五	六
冊	架	函	號

內閣文庫		
四	二	和
口	八	書
函	六	
	三	
七	二	類
架	冊	號

內閣文庫	
番號	和 28632
冊數	22 ( 16 )
函號	140 114

新刊紙本





日本外史卷之六

新田氏正記

新田氏

淺草文庫

外史氏曰。新田足利二氏皆出於八幡公。其門閥固不相下也。而新田氏為嫡宗。奮志皆以足利氏承源氏之紜。號曰將軍者。以成敗之跡。軒輊之耳。然二家聲威有優劣者。有由來矣。蓋二家之所同祖者義國。義國以八幡公之子。而謫於上野。所謂新田郡。其所食也。二子義重。義康。義康依其外家

田原氏居足利郡。終得分食其半。而義重繼有新田。又襲義國官爵。則義重之爲嫡宗明矣。然及源賴朝起。義重與之有隙。以大炊助終其身。子孫不過曰上野一武族。而義康遭遇事變。頓進官爵。又與源義朝同娶於熱田。故子孫受賴朝親昵。又世結婚於北條氏。互相倚賴。著于鎌倉。後醍醐帝之未起事。蓋稔聞足利氏之爲強宗也。是以及聞其倒戈。遽許寵爵。其褻玩朝廷。覬覦非望。帝有以啟之。而新田氏之功勞。遠出其上者。則待二家交訟

之日。然後知之。及尊氏叛逆。乃命義貞宗族以防之。而其勢旣成。不可復遏。可勝歎哉。世或謂義貞族望不及尊氏。故不能獨立。而倚朝廷以爲重。余以爲不然。朝廷倚新田氏。非新田氏倚朝廷也。新田氏將帥材武。部屬精勁。非足利氏所企及。而數奇敗衄。終至消亾者。無他故也。天下厭苦朝政。而謳歌武治。故利尊氏之營私。而不便義貞之奉公。不得已而從之。勉強而赴戰。雜以衣纓之偏裨。畿甸之召募。掣肘牽累。動不如意。爲之將帥者。豈不


難哉。嚮使義貞亦出足利氏所爲。則介曹之族。將雲合霧集而歸之。而足利氏焉能加之。天下之事。皆可圖也。何至困踣如此哉。是其禍福利害。雖三尺童子。亦能知之。義貞寧有不知。而終不改其節者。豈非以已任王家倚賴。不忍倍畔也邪。否則源氏之紜。其歸新田氏久矣。是寧可以成敗論也。且夫將門之有紜。非必如帝室也。况足利氏之所謂將軍者。始於其第三世。如其父其祖。皆非受命於正紜之朝也。受命於正紜之朝。而爲將軍者。乃護

良成良。二親王。而非必有其實。至於中興總戎之寄。固屬義貞云。余之列叙兩家也。以此。然新田氏起義。由於護良親王。而足利氏謀逆。亦以此爲首。故付見焉。

新田氏出於源義家。義家第三子曰義國。叙從五位下。任式部太輔。嘗入朝。途遇右大臣藤原實能。實能從者叱辟之。墮馬。義國隸士怒。焚實能宅。義國坐謫上野。生二子。義重。義康。義重食新田郡。義康食足利郡。治承中。平氏失政。源氏競起。義重集

兵據寺尾城。源賴朝起於鎌倉。招之。不答。及賴朝定關東。與義康子義兼等。並往歸焉。賴朝欲娶義重女為妾。又不肯。遂與有隙。及奏請諸源官爵。義重纔得襲父爵。任大炊助。有七子。其第二義包為嗣。義包生義房。義房生政氏。政氏生基氏。基氏生朝氏。凡六世。皆襲邑新田。遂以為氏。旗用白。旗號中黑。脇屋。里見。大館。堀口。鳥山。羽川。山名。桃井。一井。金谷。細谷。江田。大井田。德川。世良田。諸族皆新田氏自出。分處上野。越後。而皆役屬於北條氏。北

條高時之遷後醍醐天皇於隱岐也。楠氏起兵于金剛山。高時遣關東將士攻之。朝氏有子曰義貞。亦在遣中焉。已而城固不拔。東兵多逃。義貞召其家宰舟田義昌。語之曰。源平相制。並護王家。自古之為然。吾雖無似。忝列源氏。曹裔。特以時勢。為北條氏所驅使。遂敵官軍。豈其本心也。吾視高時近狀。亡滅非遠。吾欲歸我國。舉義兵。上以除宸憂。下以興家聲。而非有所受命。不可。安得大塔宮令旨。則吾事成矣。大塔宮者。帝第三子護良也。獲良



日本外史 卷之六 賴氏正本  
初疾北條氏專權。與帝密謀討滅之。叙二品。任兵部卿。充山門座主。號尊雲。居大塔。世因稱大塔宮。及謀泄。東兵來執帝。護良先謀知之。教帝逃笠置山。而自與弟宗良將兵邀擊破賊。已而兵潰。與宗良分路走。匿南都般若寺。笠置既陷。宗良就擒。賊遣兵圍寺。護良潛經函中而免。遂與從士九人爲道士裝。負笈南走。至十津川。依土豪戶野兵衛。蓄髮。娶兵衛族女。賊聞之。贖其頭千金。護良逃入吉野山。明年五月起兵吉野。據寺爲城。又遣從士赤

松則祐。諭其父則村起兵播磨。已而賊將二階堂貞藤等。大兵來攻。護良親戰不支。城遂陷。從士村上義光僞稱護良死。護良竟匿高野山谷間。指使山寇以助楠氏。又奪賊糧餉。義貞頗知其蹤跡。而未詳所在也。故謀於義昌。義昌乃使三十人爲山寇狀。而自爲士卒。鬪于山下。山上寇見之下援。義昌生得之。縱其一人。通意於護良。護良素知新田氏名族。大喜。卽爲令與之。權用詔辭。義貞感喜。出意外。翌日稱病東歸。與子義顯。弟脇屋義助等。謀

討高時。高時未之覺也。以金剛山久不拔。官軍並起。益調發兵食。新田素多豪戶。因課六十萬錢。限以五日。縱吏卒催迫。義貞曰。奴輩亡狀。敢蹈藉我地。遣兵捕其吏。梟首里門。高時聞而大怒。下令擊新田氏。新田氏會議。或曰。距利根河。或曰。赴越後。依其宗族。義助進而言曰。二者皆非計也。坐待強敵。情見形屈。則我兵內潰。一敗塗地。使人曰。新田氏。弑使者而誅死。死一也。寧死於王事。今雖匹馬單兵。出徇於國中。衆附則進攻。鎌倉不則戰死。孰

與坐取誅殺乎。衆以爲然。乃起兵。大館宗氏掘口。貞滿。岩松經家。里見義氏。江田行義等。百五十騎。推義貞爲將。豎旗于邑生品祠前。以舉義焉。寶元弘三年五月八日也。義貞拜讀詔書畢。進陣于笠懸野。比日暮。利根河側塵起。有兵至。可二千騎。衆謂敵來矣。漸近則越後宗族來援也。義貞驚喜曰。諸君來何速。何以知吾舉義。大井田經隆伏鞍而對曰。今日羽黑俊賢來。徇國中。是以馳至。在遠境者。明日當去。俊賢。經隆弟。蓋是走者也。明日越後全兵

日本外史 卷之六  
及甲斐信濃諸源以五千騎至。乃合兵。進入武藏。近國將士不期而會者。一日二萬人。軍于入間河北。高時聞義貞起事。不以爲意也。發兵十一萬。以族貞國貞將之。前後來擊。貞國抵河南。望見新田氏軍甚盛。乃不敢進。而義貞已亂流而至。大戰于武藏野。兩軍皆東國驍兵。素習騎戰。地亦平曠。射戰罷。卽相馳突。凡三十餘合。乃交退。且日又戰于久米河。每戰。鎌倉兵死傷輒倍。高時使弟泰家以生兵數萬來援。夜抵其軍。義貞不察。侵晨又戰。

不利而退。泰家益輕新田氏。曰。敵中必有斬致義貞者。皆釋甲飲酒。相摸人。三浦義勝。心素嚮義貞。率兵六千來屬之。義貞禮而詢計焉。義勝曰。方今天下分崩。勝敗互變。而天命所歸。終有在焉。公幸并僕兵。可以一戰。義貞曰。以疲兵當新勝之衆。若何。曰。戰勝而將驕。卒懈者敗。泰家之謂也。敗兆已備。不足畏耳。詰朝之事。僕請爲公先焉。旦日。卷旗徐進。敵相指語曰。嚮聞三浦氏應徵而至。是也。俄而義貞等翼而進。三面掩擊。泰家軍大敗。貞將一



軍與小山千葉氏戰于鶴水亦大敗皆走入鎌倉。八州豪傑響應爭歸義貞。義貞進至關戶。兵凡十二萬騎。分爲三軍。三道攻鎌倉。大館宗氏江田行義自極樂寺堀口貞滿大鳴守之。自兒囊阪。義貞義助自率諸將自假粧阪縱火五十餘所而進。鎌倉震駭。而北條氏見兵猶十餘萬。分距三道。義貞貞滿進入山內。而宗氏戰死。其兵皆卻。義貞以選兵二萬乘夜赴之。則敵大兵據海岬樹柵。兵艦列其南。以備傍射。義貞下馬免胄。向海拜曰。天子爲

逆臣所遷。越在西海。臣義貞不忍坐視。提兵討賊。伏願海神眷臣忠義。退潮以開道。因釋所佩金裝。力投之海中。比曉潮大退。兵艦皆漂去。義貞大喜。麾衆而進。諸軍從之。直入府中。乘風縱火。烟焰漲天。義貞縱兵鏖戰。高時舉族遂伏誅。自舉兵至此。盖十五日矣。義貞因居鎌倉。誅餘黨。撫新附。威振關東。先是天子在伯耆。聞京師平。將還闕。或諫曰。雖京師平。金剛山攻兵猶滿畿內。且諺曰。八州敵海內。鎌倉敵八州。承久之役。誅伊賀光季甚易。而

與東兵鬪。乃取敗。今天下。十得一二耳。宜暫居此。以視東國之變。諸公卿皆然之。帝不聽而發。至兵庫。得義貞捷書。上下大喜。詔以義貞爲左馬助。義助爲兵庫助。賜使者爵。建武元年。舉族入朝。義貞叙從四位上。任左兵衛督。兼播磨守。領上野守護。義助任兵部少輔。充武者所頭人。領駿河守護。義顯領越後守護。並宿衛京師。足利尊氏者。義兼遠孫也。地望素著。佐攻京師。首蒙寵爵。官祿皆遠出新田氏之上。遂陰蓄異圖。而忌義貞及皇子護

良。初帝之歸闕。護良居志貴山。近畿兵爭歸之。將率以入朝。而不果。帝使參議藤原清忠就言曰。天下既定。汝將何爲。蓋削髮復舊。護良對曰。高時雖伏誅。餘黨未殲。宜嚴武備。以絕覬覦。且陛下之德。微臣之謀。以致有今日。而足利尊氏攘爲己功。彼觀其志。有不可測者。不及其力微而除之。復生一高時也。臣聞佛有二道。曰攝受。曰折伏。願陛下任臣以戎事。臣將爲陛下折伏焉。帝不懌。勉從之。拜爲征夷大將軍。而不許誅尊氏。護良具騶從入朝。

日本外史 卷之六 藤原氏  
赤松則村爲先驅焉。尊氏深嫉之。乃結於帝寵姬  
藤原氏。陰謀排陷焉。而護良不察。輒欲除尊氏。多  
蓄死士。密徵兵。尊氏得其機。上變。告大將軍。及欲  
廢帝。立其子興良爲帝。藤原氏自傍贊之。帝怒。十  
月。伏甲名護良執之。囚于宮中。護良憤怒。因所識  
宮人。上書曰。臣以罪纍。敢訴冤枉。唯陛下憫察之。  
臣夙憤武臣專恣。釋法服。被戎衣。寧受世譏。而爲  
君父忘軀。在廷臣子。莫敢効力。而臣獨張空拳。以  
抗強敵。賊之耳目。集於臣身。購臣以萬戶。臣晝伏

夜行。匿山谷。踐霜雪。殆死而復生者數。焦思運籌。  
遂得底誅夷之績。而不圖獲罪於此。仰將訴天。日  
月弗照。不孝之子。俯將哭地。山川弗載。無禮之臣。  
父子義絕。乾坤共弃。臣不敢復有望於世也。儻宥  
死刑。削籍歸佛。臣終身毋悔。抑申生死。而晉國亂。扶  
蘓刑而秦世傾。聖明盍延古以鑒今焉。涕隕心愴。  
不終所欲言。書入。莫敢奏達者。諸從護良終始者。  
皆被誅。赤松則村亦褫其守護職。十一月。敕附護  
良於足利直義。徙之鎌倉。穿窖于二階堂谷。幽之。

縱一官人侍焉。二年七月。北條時行作亂。襲鎌倉。直義敗走。臨走。名淵邊義博曰。時行不足患。可患者。兵部卿。宜乘此時除之。義博往窺窖中。護良方焚燭誦經。顧而蹶起曰。女欲殺我耶。前奪其刀。義博斫其膝。踏之。跨胸刺吭。護良縮頭齧其鋒。鋒折。拔貳刀。刺心二。乃絕。年二十八。義博欲以首示直義。見其不瞑而含鋒。弃去。所侍官人收葬之。將歸。奏狀。而帝已命尊氏東伐。時行。尊氏遂據鎌倉。自稱將軍。奪新田氏邑在關東者。以分予將士。抗疏。

罪狀。義貞。義貞乃上書曰。嚮者當天下大亂。乘輿播遷。楠正成等。豪傑並起。相共勤王。而足利尊氏。首鼠兩端。觀望勝敗。自非賊軍失利。蓋不肯降也。功微賞多。遂冀非望。害臣之忠義。欲詭言陷之。臣以五月八日。起兵上野。彼以其七日。佐攻六波羅。而曰。臣聞京師復。乃肯起兵。以欺罔天聽。其罪一也。臣以五月廿二日。率諸軍。誅高時。而彼之兒子。率從士百餘人。以六月三日。入鎌倉。而曰。臣賴其兒子。以成功。其罪二也。彼在輦下。擅誅親王之卒。

其罪三也。征夷之任在兵部卿親王。而彼輒掠其號。其罪四也。矯稱管領。務張威福。其罪五也。中興之業。雖因天運。抑兵部卿之謀策居多。而彼百方讒構。遂抵流謫。其罪六也。陛下心期兵部卿之自艾。而彼修私仇。辱之牢狴。其罪七矣。直義乘亂。遂傳又於兵部卿。大逆無道。其罪八矣。此八罪者。天地所不容。措而不論。百敗將隨而至。後噬臍無及。願陛下照鑒之。速下明詔。以誅伐尊氏兄弟。廷議疑未決。會護良侍婢至。奏狀而尊氏反迹。遂暴於

天下。十一月。乃下詔討尊氏。徵兵六萬。陛授節刀於義貞。以總諸將。奉皇子尊良。自海道進。忠房親王以一軍。自山道進。義貞常掄精兵七千為中堅。而栗生顯友。筱塚伊賀。畑時能。且忠景。由良具滋。長濱顯寬等。十六騎。最精悍。善鼓擊。同其徽號。進退與俱。義貞至於矢矧河。河東皆足利氏兵。義貞名顯寬視津。還報曰。津有三處。然前岬峻絕。敵攢鏃守之。不若誘敵使渡。而蹙之水也。義貞從之。賊分兵左右渡。戰且卻。終縱萬騎。自中渡。犯義貞。義

貞乃以中堅迫擊破之。賊退陣驚。又進擊破之。足利直義以二萬騎來援。盛兵于越河。義貞望之曰。敗卒在後。必先走。餘衆不能支也。戰而逮夜。夜遣曠騎。循間道薄射其後隊。後隊擾走。諸營遂大潰。走返鎌倉。尊氏大窘。欲削髮出降。未果也。義貞引降附數萬。至伊豆府。遲山道軍者數日。賊軍復振。凡數十萬人。直義出距箱根。十二月十二日。義貞令義助奉皇子向竹下。而自攻箱根。上高覽視將士。將士皆奮戰。直義兵沮靡。殆不能支。而尊氏

以十餘萬出竹下。竹下官軍七千人。其隸皇子者。先進先走。義助以手兵代之。格鬪交退。其子義治。年甫十三。與三騎陷賊中。擻號被髮。與賊偕退。義助還營。不見義治。復進索之。直冒賊軍。軍潰走。義治知父來救也。佯呼賊兵。盍返戰。二賊從之。比及我軍。義治目從騎斬其賊。歸獻義助。義助大喜。乃退息。遣鹽谷高貞等更進。高貞等叛降賊。亂射官軍。義助夜退。欲合於義貞。義貞方克直義。埃明旦進。舟田義昌在前軍。聞直義陣中傳呼將軍捷也。

乃巡視我諸營。惟幕儼在。而無復一人。走告之。義貞。義貞默然曰。是或降或逃也。吾少退。扼其逃者。復戰。乃下山而西。兵厯五百人。聞尊氏兵數十萬。充牧伊豆府。栗生顯友。筱塚伊賀。據鞍顧衆曰。一騎當千。諸君之謂矣。乃先衆而前。賊爭薄。義貞。伊賀蹴而仆之。立斬九人。餘賊不敢薄。義貞行收散兵。得二千人。至天龍河。造浮橋。濟軍。軍悉濟。義貞乃與義昌濟。有叛者。潛絕其絙。僕牽馬前。輒陷。義昌曰。誰援之者。顯友重鎧沒水。兩手提人馬。達前。

岍。時橋陷丈餘。義貞。義昌相挈而跳。既濟。或議撤橋。沮追兵。義貞曰。我且爲之。彼寧不能爲哉。存橋而去。屯矢矧驛。兵多道亾。宇都宮公綱。勸其退阻洲股。義貞從之。朝廷亦以近畿皆叛。四窺京師。急召還義貞。義貞乃還京師。部署諸將。自以萬人守大渡。義助與權中納言藤原公泰。僧文觀等。以七千人守山崎。江田行義以五千。備應援。延元元年。正月。行義擊丹後賊兵于峯堂。走之。而尊氏已將數十萬抵大渡。義貞豫撤橋板。截桁不殊。樹柵水。

中令兵呼于岍曰丹後之兵我已殲之矣公盍亦來決死賊兵怒造筏以渡遇柵而止我軍亂射賊紛擾筏壞而溺者數百人又令呼于橋曰舟筏毋益請由此來賊千餘人爭進桁斷皆溺尊氏遂休戰不進已而賊兵二萬來攻山崎公泰文觀隸士爭降賊賊卽入義貞聞山崎軍破賊兵指關則馳援義助將與俱奉帝於叡山賊將細川定禪將兵六萬尾之義顯以三千騎不告而返射戰久之度義貞已至關則大呼衝敵大友氏泰宇都宮公綱

新降在賊中識義顯欲必獲之義顯奮戰八合被大創數十流血淋漓還至紫宸殿前帝親臨勞之遂與義貞義助俱扈乘輿赴叡山細川定禪來據園城寺相持未戰會陸奧守源顯家入援新田氏族在東國者相率從之大館氏明宗氏子也從至近江攻拔一城遂來會於義貞顯家欲休馬而後戰氏明曰我馬遠來休則足重不可輒用不若今夜直襲園城寺出其不意義貞然之卽夜出兵唐崎黎明與諸將將騎六萬圍園城寺賊自門中叢



鎗拒之。且忠景奪其十六鎗。烟時能舉足。踢門扇。倒之。我軍入而縱火。走定禪。斬首七千餘級。顯家乃退。義貞亦欲收兵。舟田經政扣馬說曰。兵利在乘勢。賊兵一敗。魄褫氣阻。我因躡之。乘勝連進。可以終獲其渠魁也。義貞曰。然。即率三萬騎追之。遇險逼擊。遇夷遙射。賊不得返戰。伏尸狼藉。餘衆走歸京師。合於尊氏軍。義貞進上華頂山。望尊氏軍。尊氏軍充塞京師。不知其幾千萬也。義貞計以寡當衆。不可徒戰而勝。乃令我兵略相識面者。每五

十爲伍。卷旗撒號。爲敗卒狀。混入彼軍。待戰而起。部二千騎遣之。已而兩軍接戰。六十餘合。我軍每勝。以至日暮。所遣二千騎。在賊軍中。揚旗並起。賊軍大驚。擾亂。自相擊刺。遂大潰奔。我軍乘勝追之。短兵急接。尊氏迫蹙。欲自刃者三。義貞自桂河。還陣京師。其兵四散。鹵掠。在者亦疲。賊軍返襲。不支而退。舟田義昌等。戰死之。會山道兵失戰。期者還至。諸將復議戰。夜下山陣。旦日。楠正成。源顯家。分路進戰。尊氏親與顯家。戰于四條。義貞。義助。建旗

日本外史 卷之六  
五十旒橫擊之。馳出其背。賊軍呼曰。中黑至矣。輒崩駛。義貞獨變服入賊中。索尊氏。不獲。分兵追之。日暮乃退。還軍坂下。誘尊氏還京師。而間日襲擊之。尊氏大敗。走攝津。義貞率諸將追擊。又大敗之。尊氏狼狽航海。諸軍爭舟而溺者數千人。委棄鎧仗海濱。二月。乘輿還關。義貞振旅而還。詔遷義貞左近衛中將。義助右衛門佐。時新附兵萬餘。嚮用足利氏旗號。重畫者皆墨抹。其中爲中黑。淡濃可辨。京師傳以爲笑。已而足利氏保聚西土。勢復大

振。赤松則村。石橋和義。及菅某等。並起應之。三月。詔義貞管領山陽山陰十六國。西伐。會有疾。遣江田行義。大館氏明。將二千騎先發。遇赤松則村兵于書寫山下。擊走之。義貞疾愈。將五萬騎。出次鹿子河。并降附萬人。進至班鳩驛。且攻則村白旗城。城壁未成。則村請降。義貞喜。爲請於朝。比朝旨至。壁成。則村乃不降。義貞大怒。曰。吾寧禽之。而後前行。合軍圍之。城險不下。義助諫之。乃分二萬人。附義助。進攻石橋和義。和義據三石。距舟阪。義助得

兒島高德鄉導。乃留一軍于舟阪。而一軍銜枚縛馬舌。自間道出舟阪之背。賊顧而驚駭。義助夾擊。拔舟阪。遂攻三石城。遣江田行義攻菅氏菩提城。遣大井田經隆孫氏經以二千人進據福山城。城未修。而尊氏直義舉九國兵而來。城兵欲避之。氏經不肯。五月。直義將兵數萬圍之。氏經出擊。潰圍東走。合於義助。義助馳使告義貞。義貞答曰。敵海陸並進。即扞陸者。則海者直犯闕矣。吾欲退屯兵庫。合捍海陸。於是白旗三石菩提三城圍皆解。義

貞先至鹿子河。河水方漲。衆以敵逼於後。請將帥先濟。義貞曰。敵來則背水決戰。吾殿而濟耳。乃令創病者先濟。明日水減。而義助行義亦至。遂濟至兵庫。則其兵亾者過半。帝遣楠正成來援。義貞迎問曰。朝議如何。曰。吾欲名還公奉駕叡山。不聽也。義貞曰。驅敗卒當銳師。吾知其必敗耳。顧去歲敗於關東。今復未拔一城。何以復命。吾故欲決死一戰。正成曰。進退從宜。是謂良將。公且徐計之。且前殫高時。後攘尊氏。公武多矣。衆言何足恤哉。義貞

日本外史 卷之六  
賴氏正傳  
色釋。旦日。尊氏兵艦蔽海而至。而直義來自須磨。旌旗彌天。義貞令正成拒直義。令義助。氏明拒尊氏。而自居其後。相持未戰。我軍有一騎。挾弓立。呼曰。將軍西來。必載津妓。置酒高會。請進一物。佐酒。注箭而發。適有鶚攫魚而舉。乃馳而射之。斷其隻翼。墮敵舟中。兩軍譁呼。尊氏使人問其名。答曰。東人或識。請投刺焉。復發一箭。軼三百步。貫船舷。尊氏視其箭。彫於筈。曰。相摸人本間資氏。敵中傳觀。資氏揚扇呼曰。方今戰國。一矢可愛。願見返賜。

賊中有答射者。箭不達。我軍齊笑。射者慙憤。以三百人上。新田氏軍二萬。欲先往拒之。循而將自西宮上。新田氏軍二萬。欲先往拒之。循而馳。騎者如走。舟者如追。而兵庫無人矣。賊後隊六千艘。盡上兵庫。楠正成戰沒。乃與其陸軍合。以躡義貞。義貞曰。吾觀西宮旗幟。支賊耳。自兵庫來者。乃其渠魁。吾所願擊。乃還背生田林而陣。迎戰。終不利走。義貞自殿。數返擊。馬殪而徒。上丘待救。敵環射之。義貞揮二刀。截十六箭。小山田高家望見。

還救授其馬而留死。初高家從軍刈民麥。法當斬。義貞使人視其營。則鎧馬鮮而無粒粟。義貞曰。吾罪也。士不可亾。法不可亂。乃爲償田主而賜粟於高家。高家感愧。故死之。義貞因得脫。自丹波以殘兵六千歸京師。上下失色。天子復幸叡山。六月。尊氏入京師。使高師重等來攻。分陣三百餘所。義貞。義助。以諸將距東阪。使公卿僧徒守西阪。賊乃先攻西阪。二卿戰死。僧徒力不支。告急於義貞。義貞與紀清兩黨赴援。擠賊于谷。殺數千人。因陣于大

嶽。賊又攻東阪。義助擊卻之。賊更欲攻西阪。以熊野兵五百爲前鋒。皆被黑甲。自雲母夜上。本間資氏。相馬忠重。在義貞側。噉而笑曰。今日之事。不復煩諸君。下百餘步。相命各射一賊。貫甲穿胄。賊不敢前。二人顧我軍曰。戰且合矣。爲吾立的。吾將習射。我軍植畫月扇。二人相戒勿射月。乃發兩箭。挾月。乃解箠鼓弦。自名於敵曰。盡受吾箭。試甲堅脆。賊惧。不戰而卻。會山徒光澄叛。夜啟賊兵。紀清兩黨覺而鏖之。初我軍約有急撞鐘相報。一日有群

日本外史 卷之六  
藤原隆資  
猿撞鐘。諸營皆警。賊兵以爲官軍下擊。乃大騷。官軍遂開諸門。一時並下。縱火賊營。擊大走之。生擒高師重。義貞附山僧。斬梟其首。賊兵四潰。既而又聚。官軍猶謂賊兵寡也。出攻之。尊氏挾光嚴帝。據東寺爲城。出兵京師。要擊官軍。官軍敗還。七月藤原師基。以北兵三千入援。諸將議曰。前日之戰。取路京中。所以敗也。不若由內野磧。二道赴之。已而有叛者。泄其議。尊氏乃以大兵邀擊焉。官軍復敗還。天子乃賜邑於叡山僧徒。以獎激之。令招南都。

南都輒應之。畿內兵聞之。所在相聚。各請將帥。四塞糧道。賊窮困。至粥鐵馬。遂大出鹵掠。義貞於是議出戰。遣四國兵。列炬于阿彌陀峯。約諸將帥齊進。天子親臨勞軍。剪所御紅裳。分賜之。以爲笠識。義貞臨發。白曰。勝敗天也。不可逆睹。今日之戰。所不送箭。尊氏營者。毋復生還矣。已而北白河失火。藤原隆資以爲戰合也。先期。自入幡入。敗走南都。兵亦失期不至。義貞以二萬騎。行破賊軍。終抵東寺。執弓注矢。呼尊氏語之曰。天下擾亂久矣。雖曰

皇統之爭。抑由公與義貞而已。與其爲一身苦萬民。寧各以單騎決鬪。決雌雄。請送一箭。箭軼門樓。入尊氏帳中。尊氏不出。時諸公卿軍。及四國兵。皆爲賊所破。賊兵悉萃於義貞。義貞返擊。奮戰破之。至五條。賊復四合。義貞額中流矢。流血被面。乃令其騎皆西。其馬首欲決死。紅笠識者八百騎來救之。擁義貞潰圍歸山門。於是諸將帥皆棄守走歸。八月。足利高經。佐佐木高氏等。絕我糧食。九月。遣兵擊高氏。敗歸。我軍多逃。尊氏佯乞降。請帝歸。

關。密使人致款。帝信而聽之。尊氏又陰招諸將。諸將多應之。十月。左衛門督藤原實世。使人來告。義貞營曰。尊氏納款。車駕赴其營。公知之乎。義貞時延見將士。得報不信。曰。是使者誤聽耳。美濃守堀口貞滿曰。今日氏明行義。無故赴中堂。吾固恠之。請往訶焉。馳至行在。則乘輿方駕矣。貞滿揖進。攀其轅。泣曰。臣聞道路之說。未知信否。今乃信矣。不審義貞有何罪。而陛下乃回其聖眷。以庇反賊耶。當元弘初。義貞奉辭伐罪。殪元兇於旬日。以除宸

憂雖古忠臣恐不能過自尊氏反以來又舉族勤王爲陛下數冒萬死宗族死義者八千餘人而賊勢滋熾王師失利者豈盡戰之罪哉蓋天未眷聖德焉耳今日西駕之轅竟不可還乎則名義貞以下族屬見在者五十餘人賜死於御前然後發帝憮然頃焉義貞與義助義顯率三千人入列階下色愠而禮恭上前義貞兄弟慰諭之曰當尊氏反卿爲其同宗乃挺歸義支傾扶廢終始不渝朕深嘉之欲仗卿宗族以鎮平四海天運未會兵疲勢

蹙是以權講和議以待時焉耳本宜謀及而慮於漏泄欲臨期相告顧負滿未之察也然由其言亦有所省朕聞越前地方多歸順者又有前所遣將士卿宜赴彼經略北陸以圖恢復以朕還京師恐卿得賊名今特以太子相附卿視之猶朕軍國之事無小大當由卿處分朕已爲卿忍耻卿亦爲朕努力言畢垂淚將士皆泣莫能仰視於是遂令義貞奉皇太子赴越前義貞卽夜造日吉祠納寶刀禱曰神鑒吾忠義使吾行無恙得發兵滅賊卽不



得然。猶使子孫有再起者。明日奉東宮及皇子尊良北行。舉族從之。獨大館氏明、江田行義及宇都宮公綱、本間資氏等從乘輿入京師。尊氏囚帝及從者。殺資氏以報兵庫雲母阪之役。義貞以七千騎至塩津。聞足利高經大兵塞途。轉由木芽嶺行。會大雪。士卒凍飢。燎弓箭相抱取煖。土居得能氏遇賊兵自殺。千葉氏舉其衆叛降於賊。義貞行三日。纔至敦賀。河島維賴、氣比氏治迎入金崎。遣義顯、義助於越後。至杣山。杣山城主瓜生保厚待之。

而高經詐傳詔旨討新田氏。檄至保信之閉關自守。其弟僧義鑑來謁曰。臣兄愚魯。輕信賊計。雖然。苟曉是非。終歸順耳。臣願得擁戴一公子。候時乃起。義助察其無他。遂以其子式部少輔義治託之。而引兵還金崎。兵道亾。有二百騎。會今莊淨慶聚兵塞道。淨慶父嘗屬我軍者。義助乃令由良光氏往說之。淨慶答曰。臣去就與父異。不得不沮。願得部下一名士以藉口。光氏歸報。義顯曰。諸君從我至此。情同父子。寧我代士。莫士代我。往更告之。弗

聽則齊戰死耳。光氏往告焉。淨慶不決。光氏下馬坐曰。將帥身係天下輕重。猶欲以身代吾輩。吾其可不致命。拔刀將自殺。淨慶感歎。遽止之曰。吾寧當罪耳。開道跪伏。義助。義顯。撫勞而過。其兵又亡。在者僅十六騎。而聞敵以三萬騎圍金崎。欲衝圍入城。衆難之。栗生顯友出策。夜使衆解衣帶。挂之樹為旗幟狀。以張疑兵。武田與一傷右手。約木刀于腕。顯友亡。副刀斫木為槌。乘曉薄敵。呼曰。拙山援兵至矣。敵駭顧。義貞因出擊走之。納義助。義顯。

於是相與奉東宮皇子於船。置酒奏樂。以慰藉之。尊氏又遣高師泰等。將兵六萬。海陸來攻城。負山臨海。城兵拒戰。日斃千餘人。十一月。城兵望見海上有人泅者。望城而來。至則且忠景也。結詔書于髻。進之。蓋天皇逃於吉野。建行宮。詔義貞攻京師也。義貞等大喜。時从生保屬賊軍。在城下。而其諸弟起拙山。以應義貞。保將拔還。思得同志者。宇都宮泰藤。天野政貞。與保隣營。一日有客問二人曰。重畫中黑孰美。泰藤曰。中黑哉。三鱗廢而重畫興。

日本外史 卷之六  
代重畫者。非中黑乎。三鱗者。北條氏徽號也。政貞曰。然。保聞而竊喜。寢與二人歛。因告其志。二人同之。時高師泰四設關。以符出入。保詐請以百五十人歸邑取菽。吏給符如其言。保削符改書二百人。與泰藤政貞俱出關入杣山。義鑑及三弟源淋重照皆大喜。推義治爲將。舉旗招兵。兵聚千餘。扼守北道。師泰聞之。遣六千騎來擊。保悉焚聚落。故遺湯尾一驛。以誘敵。敵至宿驛中。保與泰藤遣輕兵夜襲敗之。聞足利高經引兵歸國府。又要擊破之。

傍近望風爭附。義治有不豫色。義鑑曰。郎君可喜而憂。何也。曰。思金崎城守之苦焉爾。義鑑泣下。泰藤政貞隔牆聞之。曰。此子有心腸如此。吾曹曷可不出力。明年正月。推里見時成爲將。以五千騎救金崎。師泰遣兵二萬逆戰。諸將敗走。時成爲賊所圍。保義鑑挺身赴援。其三弟欲從之。義鑑叱曰。吾兄弟皆死。誰翼式部君者。三弟乃止。時成保義鑑皆死。餘衆走歸杣山。保有老母。酌酒獻義治曰。兒輩不力。乃亾里見公。然使兒輩盡還。則妾心

日本外史 卷之六  
三十一  
賴氏正本  
云何。今二兒致命。足慰妾心耳。將士爲之奮激。然力不能再舉。金崎城中。日望拙山援。不至。已而糧竭。義貞。義助。殺所愛馬。以食士卒。將士皆勸其出。赴拙山。以計夾攻。義貞。義助從之。三月。以河島維賴爲鄉導。乘夜出城。潛入拙山城。城兵大喜。日議援金崎。而賊兵乘暖來聚。至十萬騎。拙山兵僅五百人。甲馬不備。逗撓二旬。金崎兵食馬。馬盡無可食者。賊候知之。四面齊登。城兵力竭。不能戰。外城旣破。由良具滋長濱顯寬入見。義顯曰。事已至此。

脫東宮而留死。臣等請拒戰。君徐爲計。率五十人出。割死尸。相共食之。力拒前門。義顯謂皇子尊良曰。臣將種。不可不死。殿下與臣異。勿遽自殘。皇子笑曰。吾視卿死。豈可獨生。因問義顯自殺之方。如何。義顯曰。視臣所爲。卽拔刀。自樹左脇。劃至其右。奉刀於皇子而伏。皇子取刀。血滑不可握。握以衣袖。自刃而死。藤原行房。里見時義。武田與一。氣比氏治等。皆殉死之。氣比齊晴。有膂力。善泅。舟載太子。無楫櫓。施組于舟。執之而游。游千餘步。至蕪木。

浦託土人使奉之杻山而歸死于金崎。具滋顯寬謂事畢矣。開門肩陣進薄師。泰賊認其疲羸。覲輒殺之。凡城兵八百降者十二人而已。其餘皆死。栗生顯友、船田經政等四人匿岩穴免焉。太子匿蕪木浦。浦人叛告之賊。賊取太子問義貞兄弟所在。太子給曰：「昨自殺矣。」其兵火之賊乃押送太子於尊氏。傳義顯首而不問義貞。義貞在杻山常欲一戰雪耻。以爲行宮聲援。間招聚義故。夏大館氏明自京師逃伊豫。江田行義逃丹波。金谷經氏逃播

磨。並起兵。義貞次子德壽在上野。聞源顯家西上。聚兵應之。欲先發攻鎌倉。及顯家至。合兵攻拔之。於是歸義貞者頗多。尊氏聞義貞未死也。冬遣足利高經舉北陸兵來擊。據越前府。出兵交戰。義貞遣畑時能糾加賀兵。攻拔大聖寺城。遣義助及細谷秀國入越前。築三砦。與高經相持。明年二月。雪釋。義助欲益築城逼敵。率百餘騎相地於鯖江。遇賊將細河孝基。以五百騎奄至。義助擊走之。因舉火招援。義貞來援。高經又以數千騎來。夾水而陣。

我兵亂流大戰。擊破高經。高經走保足羽。賊望風解走者三十餘城。義貞因據國府。事聞京師。尊氏直義怒曰。太子給我至此。遂鳩殺之。當是時。官軍頗振。德壽從顯家。至美濃。堀口貞滿亦附之。皆願與義貞合軍。以入京師。而顯家欲獨專其功。遂引兵。回出南都。時叡山僧徒又多望義貞來。而義貞欲必拔足羽而後西。是時。顯家敗死和泉。其弟顯信與德壽等。據男山。帝手書諭義貞。援男山。時大井田氏經等。發越後兵。擊破普門富樫二氏。七月。

進至越前。義貞并其兵。將攻高經。而詔書適至。義貞感奮曰。自有源平氏。未聞得天子親書詔者也。因欲直赴援。用兒島高德策。自以兵三千備高經。以一萬附義助。至敦賀。聞男山陷。引還。於是合兵專攻高經。高經誘平泉寺僧兵。修藤島以下七寨守之。義貞在河合城。夢已為龍卧地。高經駛走。衆以為吉夢。或曰。龍為陽物。方陰而見。是凶兆也。是月二日。義貞以諸軍攻足羽。至燈明寺前。分兵為七隊。以當七寨。藤島兵擾動。我兵因疾攻。不能拔。

義貞望見。遽以五十餘騎赴之。遇賊兵三百于田中。矢下如雨。我兵無楯。以身蔽義貞。中野宗昌勸義貞獨身遁逃。義貞曰。失士而獨免。非吾志也。鞭馬且進。馬被箭。殪。義貞欲起。有白羽箭。中其眉間。乃拔刀自刎而死。年三十八。賊未知其何人也。見宗昌等。環尸自殺。又檢尸。得錦囊書。書辭曰。討賊之役。朕一煩卿。蓋帝手書。乃知其義貞也。時日暮。我軍無赴援者。已而見數騎還河合也。以為義貞。各自退還。義助還至河合。求義貞不在。久而知實。

將士惶惑。有叛者。夜將火城者三。天明。檢其兵。則二千而已。義助乃走歸國府。使河島維賴保三峯。畑時能保湊城。瓜生照保。上。下。保杣山。照歸。遇藤原氏于淺津橋。藤原氏者。中納言行房妹。而義貞夫人也。初為勾當內侍。延元初。義貞夜入直。見其彈箏。心慕焉。帝聞而憐之。名義貞。賜酒。因賜內侍為妻。伉儷甚篤。義貞之受詔北行。置之於近江。居二歲。迎致杣山。既至。聞義貞在足羽。轉赴之。途遇照。照下馬。跪輿前曰。夫人安往。公已戰沒矣。夫人大慟。殆

絕歸杣山。欲執喪于義貞舊居。以敵來逼。遂歸京師。是時。義貞首傳至京師。足利氏君臣相慶。終梟之。藤原氏聞之。卽夜削髮。遂匿西山終身。藤原氏無子。義顯。義興。義宗。皆產於東國。義顯先。義貞殉難。義興。妾出。故義宗代。義顯爲嗣。六歲。爲左兵衛佐。兼武藏守。義興。卽德壽男山之陷。走歸吉野。帝壯其貌。曰。汝興乃父家者。因賜名義興。授右兵衛佐。義貞沒而二旬。令義興與北條時行。從皇子宗良。赴東國。遇颶相失。漂至武藏。於是與義宗皆匿東

國。義助。義治在北國。七月。義助稍收敗軍。與畑時能。由良光氏。一井氏政等。各屠諸城。而會河合。以兵六千攻足羽。時能先往。夜薄城挑戰。足利高經火城而走。是歲。帝崩。後村上天皇卽位。十二月。詔義助代義貞統師。義助聞先帝臨崩。特眷眷新田氏也。方思報効焉。而尊氏發七國兵來攻。諸城悉陷。義助走美濃。獨畑時能以殘兵二十七人。據鷹巢城。城甚險固。賊不能拔。足利高經。高師治。合兵圍之。結三十七營。互進迭攻。時能幼喜角觝。材武



日本外史 卷之六 藤原正本  
絕人。姪僧快舜善戰。僕惡八郎。缺唇而有力。又畜一狗。名犬獅子。三人者。夜出襲賊。每向一營。輒使狗先往。賊有備則吠。不則搖尾還報。三人者。乃斫營入。大呼奮擊。賊輒委甲走。各潛賂時能曰。願勿襲我營。時能驍名震敵中。呼曰。畑將軍。會一井氏政來。入城共守。時能乃畱氏政于城。而自以十六人。夜出伊地山。高經以爲平泉僧徒來援城兵也。將三千騎邀擊。時能解甲鐵馬。躍出曰。畑將軍在此。高經陣動。時能馳而乘之。高經潰走。而快舜被

七創。卽日死。時能甲隙皆創。飛鏃没肩。病三日死。自是北國無復官軍矣。賊乃攻義助於根尾城。城陷。義助以族從數十人。微服投尾張氏。畱十餘日。道伊賀伊勢。而至于行宮。帝延見。泣而勞之。詔加一級。且賞從者。藤原實世竊言曰。是何異平維盛敗歸而加爵哉。藤原隆資折之曰。義助之敗。非其罪也。近日北國將士。不由大將。而取裁於南山。南山臣僚。以服微勞。而得邑於北國。將權以輕。士心以驕。而義助受其敗。豈其罪也。主上察之。乃有是

命。猶秦穆勞孟明耳。子何失喻。實世不能啓。帝遂拜義助刑部卿。興國元年。三月。伊豫官軍請得將帥。朝議擬義助。而海陸皆敵。會備前人飽浦信胤。應官軍。道乃開。於是義助以兵五百發。四月。至伊豫國府。遇大館氏明。氏明初逃京師。詣行宮。得爲伊豫守護。與土居得能氏保守諸城。及得義助軍益振。議者皆謂西南可復也。五月。義助疾作。七日而卒。將士秘喪。而賊已知之。來攻河江城。金谷經氏。紗伊豫兵救之。大戰海上。會風起。我船漂去。賊

船達岬。我兵欲冒風返之。經氏曰。我軍數奇至此。返不必利。唯當前至山陽。取一城據之。乃上備後。攻鞆城。拔而據之。山陽賊兵來戰。未決。聞賊將細川賴春圍氏明于世田城。經氏乃將數百人赴救。與賊兵數千戰。敗。率殘兵歸備後。賴春乃以萬騎攻世田。三旬。城內食竭。氏明以下悉自殺。筱塚伊賀在城中。闕門。提鐵槌而出。呼曰。吾新田公親兵筱塚也。盍殺我以得賞。賊皆披靡。乃徐行而去。賊不敢追躡。至今治浦。見賊空船。獨有舟人。筱塚游

而達之。跳入船。自名曰。送吾於隱岐。手拔錨樹桅。登船屋。鼾睡。舟人畏怖。送至隱岐。以終焉。彼塚有女仕皇太后。曰伊賀局。後嫁楠正儀。勇力類父云。義貞。義助。既死。足利氏無復忌憚。兒島高德在備前。招新田義治於上野。謀起兵。不克。乃間入京師。欲襲尊氏。又不克。義治走匿東國。與從兄義興。義宗。皆潛圖復父仇。窺釁未發也。正平六年。尊氏與直義有隙。使長子義詮守京師。而自東擊直義。殺之。入居鎌倉。立次子基氏。管領東國。義詮偽請降。

帝許之。兒島高德與由良信阿。至自行宮。諭旨於新田氏曰。天子納義詮降。北還京師。其實乘虛行誅也。尊氏在彼。公等圖之。機不可失矣。因進義宗左近衛少將。義宗乃徇東國。義貞。義助。遺臣奮起。來從。得數萬人。直義故黨石堂義房。三浦高通等。又爲內應。約戰酣。起刺尊氏。尊氏覺而逐之。而義宗等未知也。閏正月。勒兵于武藏野。義興居左。義治居右。義宗自將中軍。在其後。尊氏兵十餘萬。義興先合。義治次之。殺傷相當。敵將饗場某。率六千

騎更進。義宗麾兒玉黨擊走饗場。饗場走入尊氏陣。尊氏陣大亂。義宗直前指其牙旗。大呼曰。吾今日爲天下討賊。爲一家復仇。奮擊破之。追北馳者三十餘里。至石濱。尊氏欲自殺。其兵返戰。死之。尊氏得間。濟達前岬。收兵三萬。壓水而軍。而義宗騎能屬者五百人。時已昏黑。無來助者。義宗切齒而止。乃還。求義興。義治。義興。義治見白旗。兵三萬北走。以爲尊氏也。合兵追之。降者屬路。二人駐馬。揖之者數。其兵不顧而前。留從者厓三百。遇伏兵數

千圍之。二人苦戰而出。甲冑皆破。刃又如鋸。身各被數創。亡百餘騎。乃議曰。我旣與武藏守相失。以此寡羸。將安歸也。不若遇基氏決死。衆然之。進至關戶。會石堂三浦氏以五千騎西行。并其兵。襲鎌倉。基氏悉甲出。拒義興。鬪於海濱。斬三騎。馳貫賊陣。左韁斷委地。乃挾刀于脇。俯結之。賊群至。擊其項及背。義興不爲動。結畢。應賊。賊驚走。遂與義治合。擊走基氏。仍據鎌倉。義宗時據碓氷嶺。越後信濃兵二萬。奉皇子宗良來會。上杉憲顯等又屬焉。

日本外史 卷之六  
義興  
尊氏收兵八萬。欲復鎌倉。聞義宗軍復振。乃先攻碓氷。碓氷地負山帶川。便於據守。而義宗年少氣銳。數出戰於平地。敵更兵交進。自午至酉。義宗終敗走。上嶺而陣。既夜。足利氏軍舉炬。布滿山澤。顧視我軍。炬如燭火。義宗驚曰。晝日所失。未至如此。得非有逃者。前有勁敵。後有鄉土。衆疑我退走也。乃自釋鎧卸鞍。以示不走。衆稍定。夜半。上杉氏望見炬火數千。復屬賊軍。則遽走信濃。於是走者相踵。義宗不得獨留。比曉。退入越後。八州兵盡附。

尊氏還向鎌倉。義興。義治欲迎戰決死。將士諫止。乃走信濃。義宗既歸越後。聞帝猶在行宮。欲赴援之。收兵七千入越中。桃井。吉良。石堂。小山。宇都宮。諸族皆應之。奉皇子宗良西上。途聞行宮已陷。乃解歸。是役也。赤松則祐亦就行宮降。請奉將軍興良。興良故護良子也。材武類父。則祐思護良舊恩。欲擁據播磨。以爲聲援。帝許之。及則祐敗叛去。興良拘於京師。但馬人本莊某奪之。與則祐戰。敗死。興良走歸吉野。後十餘年。赤松氏範屬官軍。復奉

日本外史 卷之六  
興良爲主。已而叛。應義詮。帝遣兵擊走氏範。興良奔南都。不知所終。人譏其辱護良也。義宗與義興、義治俱匿越後。居數年。武藏上野將士連署來請。一人奉戴舉義。義宗、義治皆疑。不敢往。義興奮而往。足利基氏發兵來捕。國人相俱匿之。或以兵圍義興。輒潰圍逃。不可蹤跡。基氏患之。我故將竹澤良衡與族江戶堯寬叛降基氏。基氏宰畠山國清、囑二人圖義興。乃爲獲罪。亡來索義興仕之。啗以美姬。漸得狎近。因誑之曰。鎌倉可襲。義興遣衆先

往。與親信繼之。路由矢口渡。堯寬教舟人鑿舟腹而柄之。載至中流。拔柄泅去。伏兵夾河起。舟將沒。井伊直秀手掀義興。義興瞋眼曰。悔陷賢子計。割腹死。直秀與世良田、由良、大島等皆自刃。土肥、市川等。啣刀而泅。與堯寬鬪。殺傷十餘人而死。時正平十三年十月也。基氏重賞二人。堯寬赴邑。復由矢口。天俄雷雨。顧覩義興追亡。墮馬疾作死。鎌倉人又夢義興來襲也。矢口民立祠祀義興。義興旣死。義宗、義治仍在越後。二十二年。足利義詮死。子

日本外史 卷之六  
義滿猶幼。明年七月。義宗義治起兵。越後上野。與足利氏將上杉能憲戰。不克。義宗死之。義治走出。羽。建德元年。正月。義治收兵。出武藏上野。與上杉朝房戰。復不克。走。匿信濃。不知所終。義宗子貞方。為相摸守。義治子義隆。為刑部少輔。後龜山天皇。元中二年。二人並匿信濃浪合。潛集宗族。足利氏滿。管領鎌倉。遣兵鑿之。貞方義隆脫走。入陸奧。九年。天皇納足利義滿。劫和。北入京師。義滿購天下。索新田氏族。先是。小山義政。據小山城。為新田氏。

為氏滿所攻破。死。義政子穉狗復起兵。據男體城。年餘。城陷。走入陸奧。依田村清包。於是相與舉義。推貞方義隆為將。軍于白河。氏滿將十一州兵來擊。吾衆潰。貞方義隆復逃走。是歲丙子也。歲癸未。義隆匿箱根山中。竹下人安藤某告之。鎌倉來捕。義隆鬪死。歲庚寅。貞方在鎌倉。陰糾合義故事。覺。為千葉兼胤所捕。斬于七里濱。新田宗紗。於是而絕。而其支族匿參河者。歲再周庚寅。而後大興事。詳于末編。

日本外史 卷之六  
外史氏曰。余見義貞手記者。蓋其未舉事時。語家子弟武門法戒。淺近而已。然有言曰。為將者。奉上撫下。決志而行。聽運於天。勿尤人也。義貞成於元弘。而敗於延元。亦時運有不可邪。將上之人。有負之邪。至叡山之事。可謂負之甚矣。帝蓋前此未嘗面議事。至此亦嘗試兩端。僥倖孰成。以是待將帥。惡濟時艱哉。吾嘗咎義貞之東伐。不按兵持重。族與兵擾其內。而後應之。懸軍長驅。一敗成賊勢。及賊西奔。則不捲甲窮追。頓兵堅城。以致賊再燃。

是緩急兩失機也。然當時主聰壅蔽。國論苟媮者。如此。蓋雖有善謀。難於輒行。則不可。豈罪其戰也。是故為官則敗。為私則成。寧敗而忠義。不成而姦賊。義貞之志。亦可悲矣。吾居平安。每觀東山岡阜起伏。指義貞力戰處。仰觀叡山。又念其拜辭北行時也。帝及南遷。蓋深悔此舉。下哀痛詔而已。無及矣。噫。君臣際會。難矣。可不慨歎歟。假令義貞有霸心。當其初克鎌倉。北條氏餘燼未滅。而足利氏反跡已形。義貞以此為請。坐鎮舊府。蓄力養威。與護



良親王。東西合謀。請清君側。朝廷不敢不聽。使尊  
氏。或挾天子以臨我。其逆節漸長。天子終不能堪。  
必將引我以自援。猶後白河之近疎義仲。而遠款  
賴朝耳。是新田氏上計也。不然。當其始授鉞。進據  
信濃上野。連之奧羽。俯瞰八州。扼賊之吭。而拊其  
背。賊形格勢禁。必不弃我以犯闕。是又其次也。及  
其辭叡山。則事不可為矣。然得擁太子。進退自如。  
為赴越前。而潛歸上野。勢或可達。收合舊部。奪賊  
巢窟。據以為根本。進則成恢復。退則圖翊戴。又可

以展其才。而得其志。計不出於此。以無根之兵。奔  
走東西。而謀與戰。皆不由己。宜其困屈無所成也。  
雖然。奉令周旋。銳意勤王。不暇占便利。所以為義  
貞也。觀其死時。猶佩錦囊詔書。見其報國之志。百  
敗不挫。至今凜有生氣。而老賊之骨。朽腐已久。十  
三世之室町。徒見市塵迷離。索其斷礎。不復可識  
矣。義貞之聽運於天。其以此邪。余嘗謂新田足利  
之兵爭。猶朱李之於唐李。義貞忠勇勝於克用。而  
義興等。英邁不讓存勗。存勗覆滅汴梁。而義興等。



不克報室町者。亦非有所牽制故歟。抑我東北形  
 勝。同於河北太原。而新田氏不能據有也。然義貞  
 祈山靈以其子孫再起滅賊。又猶邈估烈祝天。願  
 生真主。安天下也。世稱趙藝祖應祝而生。我二百  
 年後。代足利氏而興者。實出於新田遠裔。亦烏知  
 非應義貞之祈哉。則天運果有復時。勝敗之數。未  
 可以歲月較也。

日本外史卷之六終

